



Broj: 08-04-11.2-2-476/23
Datum: 10.04.2023. godine

Na osnovu člana 64. stav (1) tačka b), člana 70, stav (1), (3) i (6) Zakona o javnim nabavkama („Službeni glasnik BiH“ broj 39/14 i 59/22); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-476/23 od 05.04.2023. godine, u postupku javne nabavke kancelarijsko potrošnog materijala, ministar donosi:

ODLUKU
o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-04-11.2-2-476/23 od 05.04.2023. godine i dodjeljuje se ugovor ponuđaču „Aero Exclusive“ d.o.o. Sarajevo, Kolodvorska 12, 71000 Sarajevo u postupku javne nabavke kancelarijsko potrošnog materijala, objavljenog na Portalu javnih nabavki broj 1111-1-1-14-3-5/23 od 14.03.2023. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-476/23 od 09.03.2023. godine, MUP TK-a je pokrenulo otvoreni postupak za nabavku kancelarijsko potrošnog materijala. Na Portalu javnih nabavki objavljeno je Obavještenje o javnoj nabavci broj: 1111-1-1-14-3-5/23 od 14.03.2023. godine.

Do krajnjeg roka za prijem ponuda koji je bio 04.04.2023. godine do 11:00 sati, zaprimljene su ponude sljedećih ponuđača: “Plan Plus” d.o.o. Zenica, “Aero Exclusive” d.o.o. Sarajevo, “Alfadivit” d.o.o. Živinice, “Pčelica M” d.o.o. Tuzla, “Winner” d.o.o. Tuzla i “R&S” d.o.o. Sarajevo.

Na osnovu Zapisnika komisije o pregledu i ocjeni ponuda broj: 08-04-11.2-2-476/23 od 05.04.2023. godine izvršena je analiza ponuda pri čemu je utvrđeno da su ponude ponuđača: “Plan Plus” d.o.o. Zenica, “Aero Exclusive” d.o.o. Sarajevo, “Alfadivit” d.o.o. Živinice, “Pčelica M” d.o.o. Tuzla, “Winner” d.o.o. Tuzla i “R&S” d.o.o. Sarajevo, prihvatljive za ugovorni organ.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda

u početnoj ocjeni ponuda, te je zakazala početak e-aukcije u sistemu e-nabavke za dan 07.04.2023. godine u 14:40 sati, u trajanju od 10 minuta.

Po zaprimljenom Izvještaju o toku i završetku e-aukcije završene 07.04.2023. godine, Komisija je nastavila sa radom 10.04.2023. godine u 14:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	„Aero Exclusive” d.o.o. Sarajevo	38.100,00	1
2.	„Pčelica M” d.o.o. Tuzla	38.200,00	2
3.	„Winner” d.o.o. Tuzla	39.500,00	3
4.	„R&S” d.o.o. Sarajevo	42.350,02	4
5.	„Alfadivi” d.o.o. Živinice	43.455,00	5
6.	„Plan Plus” d.o.o. Zenica	52.554,50	6

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku kancelarijsko potrošnog materijala dodijeli ponuđaču „Aero Exclusive” d.o.o. Sarajevo, Kolodvorska 12, 71000 Sarajevo, s obzirom da je isti dostavio prihvatljivu ponudu s najnižom cijenom u iznosu od 38.100,00 KM bez PDV-a, odnosno 44.577,00 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 10 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a



MINISTAR

Hajrudin Mehanović
Hajrudin Mehanović